

四庫全書

集部

欽定四庫全書

艮齋詩集卷七

元 侯克中 撰

和張夢符侍郎海青韻

青鳥東來俊有神  
天恩三錫表殊勲  
雙眸怒掣空中電  
六翮雄搏海上雲  
鴻鵠低飛羞斂翼  
鷹鷂遠避敢同羣  
錦鞬一縱頭鷺下  
禁臠從今到相君

謂蒙古  
低丞相

和張可與正月牡丹韻

花神巧奪化工權  
試手東風到眼前  
素愛國香持晚節  
豈期妖艷見新年  
洛中謾說惟三月  
江左還疑有二天  
松柏歲寒依舊好  
一枝休詫得春偏

和徐容齋廉訪梅花韻

萬木歸根總待春  
一枝獨與歲寒親  
逋仙只合西湖上  
大老何妨北海濱  
塵世冰霜難奪志  
玉堂風月解傳神  
知君欲近孤山住  
從此幽花得主人

和徐容齋廉訪蘭花韻

買蘭多種相隄沙要看春風碧玉芽  
百代幾回呈美瑞  
一年兩度見幽花周經既許同心臭  
楚些何須抵死誇  
從此伯儵持入夢東南復覩謝安家

和吳曼慶中丞御史臺盆池蓮花韻

堂下荷香散水沈澹然相對柏森森  
若耶溪妒金盆貴  
太華峰慚玉井深本固實甘君子德  
中通外直聖人心  
好將千載濂溪說勒作西臺御史箴

木芙蓉

落盡羣芳木葉黃數枝絳雪映寒塘晚於紫菊嬌無艷  
早似紅梅冷不香萬里西風霜信遠一天清露月波涼  
多情留得幽花在莫謂秋容只淡粧

盆梅

前村移入小陶盆不比從前自在身出塞昭君回首怨  
入宮妃子捧心顰幽香宛轉紗窗曉瘦影徘徊紙帳春  
曲直作酸誰會得園夫豈是傅巖人

梅花

前村雪裏舊精神瘦影幽香自可人和靖不傳詩外妙  
師雄空說夢中身松筠有素為知己風月無私解寫真  
庾嶺儘誇千樹好傳巖獨讓一枝春

紅梅二首

恥隨繁杏鬧清明先欲羣芳識姓名裝臉韻憎鉛粉淡  
醉魂香遠玉堂清春風紫府多幽思綠葉青枝近淺情  
寄與題詩樓上女莫教偷折入神京

厭見蜂兒蝶子狂早將顏色奉東皇半酣宿酒迎春思

一抹胭脂趁曉粧  
桃萼定無如是韻  
杏花那得許多香  
風流標格誰題品  
只許坡僊解發揚

蘭花

幽谷佳人不世粧  
澹然相對兩相忘  
偶從詩興濃時發  
或向禪心定處香  
孔父琴中傳雅操  
楚臣筆底藹餘芳  
冰根玉幹元貞潔  
肯與凡花較短長

石榴

騫使淹留海一涯  
歸來得種載靈槎  
恥隨桃李三春艷

寧伴萱葵五月花青錦帳懸紅礪礪黃金爐煉紫硃砂  
不緣孝武開西域方物安能到漢家

白牡丹

皎皎名花壓衆芳剪冰裁雪作衣裳洛神豈受塵埃染  
魏國不煩脂粉粧非色能專天下色有香絕異世間香  
姚黃魏紫休相妒從此春風屬素王

讀李太白應制妃子對牡丹清平調

鳳輦匆匆出未央要看妃子對花王畫闌咫尺爭春色



寶鑑分明妒曉粧紅玉有情還解語彩雲無意却能香  
誰知太白清平曲不是新聲是諫章

賦吳家園牡丹

興慶池東舊姓名館娃宮裏避清明眼中國艷春無價  
意外天香畫不成芍藥剖符分列國海棠率衆豎降旌  
姑蘇春色濃於酒醉殺西施省用兵

桂花

恐礙銀蟾吐夜光故移丹桂到炎方一枝天上何年種

八月江南到處香  
幸與紫蘭均雨露  
厭隨黃菊戰風霜  
等閒童豎皆能折  
何事紛紛舉子忙

梧桐

虛心直幹得春遲  
花始東南應絮齊  
剪葉未容天子戲  
折條恣礙鳳凰棲  
聲傳金井秋風早  
影轉瑤階曉月低  
已見鳴琴他日操  
老枝夜夜聽烏啼

梅

商周只說實堪用  
唐宋盛傳花好看  
詩愛四更窻影瘦

夢嫌三弄角聲寒雪深庾嶺香初動酒盡羅浮興未闌  
移向茅齋慰衰老免教深夜倚闌干

落花

一片西飛一片東半隨流水半隨風馬嵬魂散香囊冷  
結綺人歸玉樹空幽鳥有情啼院宇斜陽無語入簾櫳  
主人不用閒惆悵芍藥朝來數點紅

海棠

鷓鴣蹴鶯捎力不支綠攢紅簇擅芳時醉酣曉日霞凝臉

睡足春風雪滿枝得意總輸坡老句關心惟欠少陵詩  
恰如西子新粧罷困倚闌干有所思

楊花

風裏楊花自在狂枉將巧態媚東皇香絲遍地蒼苔冷  
飛雪漫天白日長偶趁蜂兒來客舍慣隨燕子過隣牆  
甫能吹入東流水化作浮萍剗地忙

酴醾

過却清明景已闌酴醾未肯放春殘綠羅數幅連青錦

白玉千重簇紫檀顏色何嘗饒臘酒芳馨惟恐勝秋蘭  
晚風吹落枝頭雪謾作尋常粉蝶看

櫻桃

江北江南氣未殊朱櫻首夏遍通衢閭閻競喜嘗新好  
蓮豆還曾薦廟無錦樹深藏朱雀卵玉盤勻瀉火龍珠  
野人莫詫筠籠貴幾向唐宮伴筍厨

荷葉

五月西湖最好看綠荷千頃水雲寒淨磨洛浦玻瓈鏡

香爇龍宮翡翠盤青蓋拂船撩逸興碧簫酌酒助清歡  
且留遮護閒鷗鷺驟雨狂風莫打殘

庭下兩枯槐

亭亭相對兩枯槐落莫如人與世乖獨立我慚君有伴  
虛心君似我忘懷晚涼不礙風生坐夜永長留月滿階  
謾說南柯深處好定知無夢到吾儕

蠨

稻熟爭持貢厥魁秋交感沸指江來兩螯白雪雖珍品

滿腹黃金即禍胎  
電送驚雷良可畏  
火明橫斷竟堪哀  
操戈努目成何事  
只與人間薦酒杯

食蛙

食月蟾蜍即此流  
瞳然兩目怒無休  
蒹葭影裏才多口  
椒桂香中已出頭  
今欲無聲猶可禁  
昔嘗有尾最堪憂  
越人似信盧仝語  
爭與姮娥復舊讎

烏賊魚

每因食月恠蟾蜍  
醜類何堪賊曰烏  
幸託滄溟亡後患

疆令黑水作前驅有鬚縱免風濤難多足能逃鼎俎無  
啖肉未償臣子恨直須粉骨謝餘辜

蠅

喜親臭穢避芳馨殘瀝餘杯不顧形點綴綺羅移黑白  
往來圖畫污丹青食瓜遽集存良史止棘交讒見大經  
早晚霜風清海宇若將何術誑天刑

鳩

雄倡雌隨盡物情錦鳩抵死太饒聲居巢似巧營巢拙



逐婦將陰喚婦晴鴻雁有丘同苦楚鴛鴦無日和鳴  
邯鄲簡子何多事正旦全生未必生

聞蚤

寂寂虛堂萬籟沈月明蟋蟀動秋陰喚醒隱几詩人夢  
叫碎停梭織女心越策丁寧憂國切楚詞反覆愛君深  
西風不管天涯客又送誰家半夜碁

桃花馬

曾向瑤池侍穆王天風吹入武陵鄉丰神肯逐彩雲散

汗血不消紅雨香千里有心追暮景四蹄無處避春光  
龍媒豈是天台物雌蝶雄蜂枉斷腸

贈張秀之所鱸

東南佳味冠珍穀況復張生思致高錦鯉失身離雪浪  
銀絲隨手落霜刀掃除宿酒歸岑寂管領春風破鬱陶  
安得謫仙同一醉倒傾滄海斫鯨螯

虎頂杯

虎頂誰將作酒觴風生四坐凜寒芒等閒刻骨疑馮婦

談笑搔頭信杜康  
生勇定為行旅害  
死威猶使飲人狂  
夜深俵鬼分明說  
白額新聞爵醉鄉

馬乳

馬潼甘寒久得名  
飲餘香遶齒牙生  
草青絕漠供春祭  
燈暗穹廬破宿醒  
冷貯草囊和雪杵  
光凝銀榼帶酥傾  
漢家屢有和親好  
恨不當時賜長卿

題子房燒棧道畫卷

劍閣崔嵬烈焰飛  
漢兵從此不東歸  
三書未奮炎劉業

一炬先收暴楚威立致英彭朝紫禁坐邀園綺侍青闈  
功高不預麒麟畫留與龍眠重發揮

艮齋詩集卷七

欽定四庫全書

艮齋詩集卷八

元 侯克中 撰

諧音格

詩貴於音韻諧叶此卷用韻一以音同字異者  
為之自我作古後或有取焉

七言三十一首

老懷

世故紛紜莫異同  
碧雲無處覓崢嶸  
峒嶠嬌鶯盡日啼  
宮柳威鳳何時到  
井桐四海共憐今  
白髮百年多愧古  
青銅老懷悵快憑  
誰說空對吳鉤賦  
校童

秋嘆

塤箎絡繹雜笙鏞  
倒徵顛商似反庸  
秦室君臣何足校  
漢家兄弟不相容  
獼猴有智縻天祿  
黠鼠無端穴我墉  
莫向窮秋歎搖落  
菊花開罷到芙蓉

河漢

河漢誰能跨石砮世無烏獲鼎難扛雪深吏部悲秦嶺  
天遠靈均困楚江堅苦寸心窮斷簡伶仃孤影弔寒缸  
凝之滿篋廬山句獨讓歐公筆似杠

題李太白畫卷

謫僊宮錦慣淋漓耳熱那分肯與醺邀月滿傾紅琥珀  
對花細卷碧琉璃但知酒後無今古豈信人間有別離  
九萬大鵬千載賦善言斥鷃笑藩籬

雪中懷古



金剛經  
卷八  
北風冽冽雪霏霏吹入幽人白板扉萬事只宜今後拙  
百年渾覺向來非人能射策仍拖白猴解隨班便賜緋  
倚杖長吟重回首亂鴉寒遠故宮飛

懷隱

草莽常為市井譏豈知老蚌有珠璣隴禽馴習真堪教  
野馬猖狂不受韉誰謂淺山無猛獸我嘗平地履危機  
自從潦倒嚴陵後閒殺桐江舊釣磯

隱居

生平志不在冠裾竹簡韋編伴隱居  
刺棘自難生橘柚木瓜誰望報  
瓊琚歸休未遂膏腴地出入還乘下澤車  
白璧暗投猶不智況將韶樂祀鷄鵠

毀譽

晝寢何須學宰予吾儒經訓即菑畬  
濁賢清聖糟醕外斷簡殘編煨燼餘  
生死形骸真傳舍古今天地大籃輿  
百年人物存公論閒是閒非自毀譽

感事

路傍山鬼慣邪揄笑我無成六十逾滿野干戈嗟馬援  
拍江風火壯周瑜當時已分終蕭散此日那堪復覲覲  
莫把良田栽枳棘儘教閒地種桑榆

野興

杖策從容訪酒壚野人相贈四腮鱸一溪碧水千竿竹  
萬仞青山兩岸蘆虛室香生新紙帳小窓烟裊古銅鑪  
醉魂正到悠然處恨殺隣翁轉輓轡

懷聖

北海長蛟尚可屠何難探穴取於菟堯夫首發先天蘊  
茂叔心傳太極圖靜玩遺經君子志力排邪說聖人徒  
感麟悲鳳宣尼事無奈豺狼塞正途

山館

雲外飛鴻片影孤露寒烟冷爾何辜奇材未肯非時出  
美玉須求善賈沽間折野花簪破帽靜邀山月酌清觚  
行人莫道天涯好試向林間聽鷓鴣

懶向

懶向王公話挈提浩歌誰和白銅鞮百年蠻觸爭蝸角  
萬里關山愧馬蹄杜宇一春花外語鷓鴣終日路傍啼  
黃金已滿相如篋休向長門請賦題

老馬

老馬思鄉尚北嘶三年旅食淞江西無知己足憐河伯  
有感能通愧海犀應物未嘗虛領略向人寧問巧提撕  
南方見說鷓鴣鳥不遇梧桐不肯栖

漫興

生民有賴自姜嫄萬物雖殊本一源今見龍蛇生大澤  
昔聞人物出中原託身未許期倉鼠染指何須試鼎鼐  
盡說傳囑消息好定施霖雨到黎元

郊行

黃犢從容駕短轅溪聲留客碧潺湲霜催木葉辭高樹  
雨積莓苔沒廢垣井鮒豈知東海豔野人何愧北山猿  
老來莫道無歸計到處烟霞是故園

偶書

人是人非了不干起來紅日已三竿不才安敢爭頭角  
莫逆何妨話肺肝秋水永遠融青翡翠晚山濃染碧琅玕  
菊花過盡梅花好莫放金樽取次乾

春懷

春風細細鳥咬咬似喚幽人出近郊芳草有情留驥足  
落花無計續鸞膠家貧只與詩書友性僻常踈勢利交  
伴老幸存蒼竹杖恐隨雷雨化神蛟

雪夜

悍吏跳梁怒石壕殆如飢虎恣咆哮百年勝負爭蝸角  
萬古興亡屬兔毫雲黯窮邊寒雁切雪迷絕澗夜猿號  
灞陵驢背吟詩客千丈凌雲意氣豪

山行

紫藤扶我過江皋石徑陂陀步步高花蕾破香風似麝  
麥苗霑潤雨如膏曉開烟嶂山千疊春滿溪塘水一篙  
民物太平吾亦樂滿盤首藉勝豚羔

飲興



右執春杯左執螯醉鄉容我獨遊遨十年四海凋雙鬢  
一日三山舉六鼇寒賴仁風蘇凍餒旱須膏雨潤焦熬  
珍禽奇獸將安用千古周書貴旅獒

自警

潢潦無源起怒濤鏡中妍醜豈能逃苟無遠慮休非孟  
縱有清材莫和陶細碾臘茶烹橄欖淺斟春酒泛蒲萄  
幾時坐對緱山月兩袖天風醉碧桃

暮寒

自淮達浙最為嘉寸草撞鐘力不加南土積烟成癘瘴  
北風吹雪入哀笳滿頭白髮為人贅何處青山是我家  
海氣接天寒透骨鴈聲酸楚過蒹葭

即事

白屋飢民不自遑朱門豪客厭絲篁眩人令色濃於酒  
誤世甘言巧似簧但見山林多虎豹豈知城市有螟蝗  
野夫心上渾無事飯飽山陰斲地黃

題王右軍帖

右軍筆底走雷霆灑霧揮雲肯少停彩鳳不羣凌碧漢  
白鷺無數換黃庭森森喬木勞羣螳落落洪鐘謝寸莛  
取次墨工休健羨大鵬元不較蜻蜓

宿山寺

絕壁懸崖勢建瓴一溪寒溜玉泠泠曉來幽谷蘭芽好  
秋入高林木葉零萬壑天風推破戶四更山月射疎櫺  
身如盤石心如鑑水恠花妖竟不靈

自遣

愁外年光逐水流，冷泉脩竹為誰留。  
十年白屋窮經史，一日丹墀對冕旒。  
功業未應慙鄧賈，文章何必羨曹劉。  
筆端莫寫無稽語，免與騷人作贅瘤。

漫賦

塵土青衫半九州，甘貧殊不待人調。  
兩輪日月雙明鏡，萬里乾坤一釣舟。  
大道未聞空白髮，小乘猶說有滄洲。  
憑誰試向莊生問，夢裏何分蝶與周。

自憐

三十年來百自由自憐疎略乏嘉猷湖山落魄林和靖  
鄉里蹉跎馬少游人笑鯢鵬同斥鷃道觀天地等蜉蝣  
幾時還却兒孫債江北江南汗漫遊

自況

國易家難自不侔每傷嘉穀產螟蟲擇妻敢學諸葛亮  
生子漫期孫仲謀犧象豈宜盛秬稗貂蟬未信出兜鍪  
為函為盾尤當戒况復專攻矢與矛

至誠

人鬼天神享至誠易牙與我共酸醎亡羊自是多岐路  
馭馬誰能撤轡銜破敵何須驚折屐報書底事達空函  
紛紛情偽誰能辨擬著莊周問季咸

五言二十一首

獨立

壯士凌雲氣長天貫日虹鴨頭春水綠鸛頂晚霞紅歸  
計謀陶令還丹問葛洪故人音信斷倚檻待邊鴻

卜隱

靜拭甯中鑑深藏舌上鋒清時消海瘴長夜息邊烽每  
報營巢燕兼憐釀蜜蜂西湖客我老點檢兩高峰

春曉

雪色侵雙鬢霜威達四肢明堂微欲側大木尚堪支曉  
日花千樹春風酒一卮東皇生意溥開到背陰枝

歸思

白雪無人和青山足自娛我知陶令趣誰謂屈平愚關  
塞家千里風沙海一隅能全巢許樂舉手謝唐虞

憶家

謬跡恒千里虛聲動八區人情多險阻世路更崎嶇歲  
月凌衰髻風霜虐病軀故山猿鶴在為我作前驅

有感

乾坤司大化雨露遍勲臣四瀆朝東海羣星拱北辰寧  
教雄雉怨毋使牝雞晨民力今如此何由達紫宸

安分

百年殊迅速萬類儘紛紜書癖何須治田荒不暇耘棲



心同止水應物等行雲天理分明甚前途莫預云

春興

繁杏花盈樹柔桑葉滿條鶯隨林影轉魚趁浪花跳和  
壁非難識褰琴未易調故山何處是江遠路迢迢

村居

宿酒醒猶倦呼童簷處搔麥秋和月刈蠶晚帶燈繰閤  
坐談羲易徐行詠楚騷閉門無客到窻竹自飜飜

春前

後會知何地前途未有涯  
親朋嗟鬼錄官府愧蓬衙  
曉角驚梅萼春盤薦藜芽  
新年消息好鵲喜到簷牙

通材

小智專條目通材正紀綱  
龍須潛大澤虎不卧平岡  
易舉千鈞鼎難推百鍊鋼  
聖言真可信振慾豈能剛

江館夜坐

獨坐不成寐清唸誰與賡  
大江天一色孤館月三更  
鷺鷥真堪友蓴鱸儘可羹  
晨昏何迅速為我問長庚

禮樂

宣化琴仍瑟平心竽與笙政須遵五禮孝不在三牲魯  
衛方兄弟朱均適舅甥是非無處問俯檻看雲生

明理

道德淪空寂綱常墮杳冥占天懷舜政對月憶堯羹洙  
泗通三古濂伊達四溟百家與諸子歛手愧西銘

遊道院

水繞庭中竹風鳴殿角鈴撥雲收橡栗趁日晒參苓杖

曳蒼龍脊扇揮青鳳翎石壇松影畔相對話延齡

得意

抱膝雲間笑掀髯月下謳倉皇嗟溷鼠蕭散愛江鷗得  
意詩千首忘言酒一甌人生何足嘆天地等浮漚

萬事

萬事皆芻狗羣生等棘猴與求尸位相寧作醉鄉侯儀  
衍空饒舌孫龐竟拒喉古今都勿論持酒聽瑩篴

述古

溪風動幃幙隙月入衾裯斥鷃多朋黨鷓鴣少匹儔出  
師諸葛表銷印子房籌千載殷仁後憑誰問九疇

天涯

荆人悲有玉季子恨無金日月誰消息乾坤自古今酒  
杯澆肺腑詩筆寫喉襟莫話人間世天涯思不禁

懷友

蹤迹藏人海聲名貫士林同年皆館閣相識盡球琳老  
屋多摧毀高軒屢照臨野雲自舒卷豈解作時霖

月夜

連日雲籠月今宵鏡出奩竹聲來曲徑花影入疎簾靜  
想髑髏樂閒思蚯蚓廉油然高興動誰與問青帘

艮齋詩集卷八

欽定四庫全書

艮齋詩集卷九

元 侯克中 撰

春夜感興

乾坤何廣大海嶽亦洪厖  
剩把花簪帽長留酒滿缸  
論友期管鮑任術笑孫龐  
萬里非難到千鈞未易扛  
酒添詩興健茶壓睡魔降  
大廈凡材構鴻鐘寸草撞  
歸鴻投遠塞行客避危邦  
夜雨愁喧枕春潮怒拍江  
羈懷嗟白



首孤影對青釭林暗栖鴉亂巢危睡燕雙奔騰哀瘦馬  
勤苦歎羸厖獨坐便蕭散羣居厭亂咙豈無人伴王安  
有筆如扛謾賦寧拘韻高歌不問腔曉鶯曉未竟紅日  
滿東窗

宿酒成疾寄劉簽事

老懷嗟永夜瘦骨怯初寒衾薄抽添易樓高上下難酒  
須因病戒劍不為貧彈患失仍多失求安未必安苟交  
雖暫合彊飲不成歡聖教無窮趣吾儕莫厭省

秋夜旅興

烟盡香猶在更闌睡不成  
井梧留夜色牕竹起秋聲  
老去悲長缺愁來賦短檠  
恥隨蒼狗變甘與白鷗盟  
節義千鈞重功名一羽輕  
江湖容我老蓑笠有誰爭

首夏偶作

鄉關一萬里客路十三年  
綠樹清陰晚黃梅細雨天  
虛堂巢舊燕古寺咽新蟬  
回首松楸夢憑闌一泫然

白首

白首天涯客飄零每自怜小牕千里夢高樹一聲蟬砌  
筍將成竹池荷尚未蓮故人應念我日日望歸船

地僻

地僻多生竹樓高易得山水寒魚倦出日暮鳥知還歲  
月琴書外乾坤杖屨間問君千載後如我幾人間

獨酌

囊裏青蚨盡簪邊白髮多苦吟中有意痛飲外無它歲  
月悲長缺乾坤入浩歌醉鄉忘物我塵世任風波

一榻

一榻風如水南牕日又斜花香迷燕雀樹影動龍蛇  
土與人情薄江連客夢賒行藏元有命志士莫吁嗟

秋興

少時無所求老去復何憂醉夢齊生死閒身任去留  
琴書消永晝松竹慰窮秋最愛寒花好霜餘香更幽

秋日懷古

老樹多黃葉閒庭半綠苔鴈銜霜信過菊趁雨晴開  
句

踐仍無國姑蘇空有臺莫因前日錯復使後人哀

夜雨感懷

歲月人空老風雲興已闌心灰香燼冷夢短燭花殘未  
悟謀身拙徒嗟涉世難五更風色惡一枕雨聲寒

雪

風吼千林怒雲垂四野低入簾花帶雨落地絮沾泥水  
凍魚難釣山寒馬不嘶田翁方報我隴麥已生齊

春日即事

草木萌方動乾坤氣已和  
杯深浮臘螳波暖浴春鶯  
岸口冰初泮山陰雪尚多  
古今因世草通塞奈時何

老懷

老懷多悵快歸計日徘徊  
曉逐雞聲發春隨鴈影回  
朔方猶見雪南國已無梅  
回首家千里傷心酒一杯

十四夜月

冀莢生將滿桂花開未全  
常留千里色莫放十分圓  
海角經年客壺中不夜天  
玄霜在何許擬問廣寒仙

讀復卦

七日始來復一陽消衆陰雷從泉下動春入草根深因見鬼神跡迺知天地心發生容有漸消息又成臨

漫興

道德非虛位聲華恥過情林宗稱有道康節號無名自  
分書為友何須祿代耕人間多劍戟林下獨升平

寄道者

樓外山如戟江南菊又花鳳鳴玄浦月人隔赤城霞別

後身雖健歸來鬢已華百年能幾日大半在天涯

老去

老去無佳興朝來得好音  
寒花因雨瘦秋草帶烟深  
斷續風中笛蕭疎水外砧  
遙知今夜夢不負故人心

秋夜懷友

倦客傷秋晚疎砧搗夜闌  
星河千里淡霜樹五更寒  
鴻鴈關山阻豺狼道路難  
故人雖念我冠破不堪彈

客懷



世無雷煥劍誰聽伯牙琴湖海千鍾酒關山萬里心義  
當完趙璧禮不受齊金牢落天涯客寒牕半夜吟

獨樂

南畝春方動西山晚更奇江聲來斗帳天影落盆池不  
厭花開早常嫌酒熟遲聖賢千載意今古幾人知

郊行

物逐年華變霜催鬢影皤向陽芳草盛瀕水落梅多塵  
土埋長劍乾坤入浩歌沙鷗無一事江上自風波

春來

春來連日雨沙路淨無泥地迴雞聲遠江空鴈影低麥  
苗青出壟菜英綠成畦物態參差甚莊生莫彊齊

荅白仁甫

別後人空老書來慰所思溪塘連轡日風雨對牀時我  
愛香山曲君竒石鼎詩何當湖上路同賦鷓鴣詞

思歸

桑榆催晚景桃李又春風過眼千頭橘驚心兩鬢蓬每

憐南渡客深愧北歸鴻安得豺狼盡常令道路通

漫興

一尊陶令酒千首杜陵詩每到勞心處還思得意時自  
榮還自辱誰點復誰癡試向天公問天公未必知

把酒

把酒澆詩興烹茶遣睡魔春風欺鬢短晴雪上髭多雨  
過山如染潮平水不波可人雙燕子時向草堂過

呼童

呼童邀好客，攜酒上高臺。  
傍路柳先發，背陰花後開。  
魚因新水出，燕為故巢來。  
明日人重到，殘紅滿綠苔。

相逢

相逢連夜飲，同賦送春詞。  
月淡人歸後，風香花落時。  
青山雲外髻，白髮鏡中絲。  
憔悴麻衣客，天涯愧紫芝。

歲首

歲首傷多雨，朝來喜乍晴。  
曉山青黛淺，春水碧羅平。  
鳩拙行藏易，鷗閒去住輕。  
莫辭今日醉，聊盡故人情。

春興

斷續催花雨侵尋禁火天  
海棠猶半醉楊柳已三眠  
風軟鶯啼後雲輕鴈去邊  
幾時人事了同結住山緣

途中遇雪

爛漫雲垂野須臾雪滿天  
寒多龜手拆吟苦鶴頭偏  
不見戴安道還思孟浩然  
典衣拚一醉應向酒家眠

倚樓

老去時時病春來日日陰  
鏡中雙鬢影枕上四更心  
每

厭紅螺淺長令綠蟻深悠然清興動聊作倚樓吟

老懷

江湖空自老涇渭欲誰分萬事樓前水孤身海上雲  
雨多徒有歎天遠寂無聞滿樹昏鴉鬧鵝雛獨不羣

觀物

人世常多故天機不少停竹兼庭草綠山入市樓青  
才見風中絮俄為水上萍螟蛉與螺贏一笑付劉伶

夏至

鹿角乘時解蟬聲向曉新陰微猶可畏女壯豈宜親羸  
豕將為紫色魚不利賓高明遠聲色謹此勝調神

秋感

鴈書千里至客摧幾人還江窄風潮怒天高雨露慳每  
嗟巢燕苦多愧海鷗閒莫謂林泉遠開簾盡好山

感物

南國秋將半西樓夜未央驚鳥投遠樹飢鼠穴空牆綠  
竹寒篩月黃花晚傲霜一聲隣笛起彷彿在山陽


初寒

盡日閒欹枕經年不捲簾  
詩懷因病減酒量為寒添  
市近無人到牆空有鼠嫌  
北風應念我吹雪上茅簷

寒夜

囊罄書猶富途窮道自通  
高梧留海月老檣撼天風  
攪睡茶無賴驅愁酒有功  
梅花消息好春到角聲中





良齋詩集卷九

欽定四庫全書

集部

艮齋詩集卷十至十四

詳校官中書臣孫衡

侍讀臣孫球覆勘

總校官庶吉士臣倉聖脉

校對官主事臣張慎和

謄錄監生臣李敦源

欽定四庫全書

艮齋詩集卷十

元 侯克中 撰

讀東坡楞嚴四相說四首

陰陽消息若循環動靜無端在兩間  
人物自生還自化了如天地不相關

因中得果果生因朝菌何修至大椿  
形氣自分多品類枉將因果誑時人

乾坤父母大筌蹄萬類雖殊亦可推物自氣偏人自正  
化工雖巧不能移

乾坤易簡豈難知化育流行無了期不去不來生滅斷  
乾乾不息欲何為

致中和

不偏不倚是為中無盭無乖上下通莫怪對時能育物  
聖人元與昊天同

大哉聖人之道洋洋乎發育萬物

天地無私品物亨聖人無妄自誠明此心既與乾坤一  
萬物何憂不發生

克己復禮

嗜慾紛紜塞四端私心克盡道心安渾然一理涵生意  
天下歸仁是不難

萬物皆備於我

五色昭昭寓目明鼻香味耳收聲紛紛衆理心全了  
一己能兼萬物情

三才

乾元資始賴坤成民得中和二五精天地若無人輔相  
世間萬物恐虛生

讀反離騷有感

言出於心見所操玄譎未解反離騷一從草出揚雄賦  
澤畔靈均賈轉高

題三睡圖

野僧逃跡迹還多枕虎機關嚇老婆可笑丹青太生事

又從筆底起風波

題穆王八駿圖

八駿驍騰氣象豪  
穆王乘此亦徒勞  
當時剩有賢肱股  
可惜無人說秣嫫

題松風醉歸圖

醉夢悠悠入杳冥  
寒驢踏破亂山青  
一壺濁酒能多少  
萬壑松聲喚不醒

題明皇吹簫圖

治音和樂亂音乖天寶新聲怨且哀獸舞鳳儀都不見  
喚將野鹿入宮來

題桃源圖三首

流水桃花出武陵小舟分破亂山青秦人莫訝當時事  
晉惠宮中醉不醒

四面青山兩岸花避秦世世業農家漁郎回棹無多囑  
莫作神仙到處誇

四海人心苦厭秦桃源風景似堯民融融洩洩山中樂



說與龍眠畫不真

題江帆掛月圖

山倚晴空水拍江一帆秋影月微茫  
憑誰細向舟人問險處爭先有底忙

題點鼠圖

子產生魚事可傷坡仙死鼠出空囊  
千年二老還相見握手臨風笑一場

題家景圖

青襟兒女白頭親和氣溶溶四坐春塵土滿衣名利客  
可能不愧畫中人

題蕭茂先松下幽人圖三首

石上幽人意趣高古松千尺撼風濤手中書卷還知否  
不是羲經定楚騷

詩酒閒身與世疎老來拂袖赴幽居黃塵滿眼誰知已  
千尺髯龍一卷書

世路崎嶇蜀道難歸來松下獨盤桓平生只有耽書癖

近日和書也不看

題鷺鴈圖二首

鷺鷥無意慕冥鴻  
飲啄閒忙況不同  
偶爾飛來沙上聚  
阿誰寫入畫圖中

沙頭飢鷺厭風波  
塞外征鴻避網羅  
忙亦艱辛閒亦苦  
一篇山水竟如何

題無心畫山水圖

白石蒼藤枕碧流  
風濤洶湧弄扁舟  
可人一寸無心筆

寫出江山萬里秋

題脩端卿卷後

牕外脩篁案上書  
風流未必古人如  
老來更覺閒為貴  
坐看門前幾覆車

題楊少監畫卷二首

風流江左管夷吾  
黃鉞旌旄照簡書  
畫裏徒行緣底事  
更忙須駕短轅車

右王導佚游圖

中年長苦別離多，絲竹聲酣擁翠蛾。  
此樂就令兒輩覺，東山不起奈卿何。

右謝安東山圖

題萃樂亭

伊尹當年樂有莘，終將斯道覺斯民。  
憑誰試問亭中客，天下曾無失所人。

冬夜

瓦鼎香銷燭影孤，北風如箭雪模糊。  
擁衾獨坐寒牕下，

金史卷之八  
閤聽瓶笙轉地爐

促織

徹夜悲吟曉不停  
宛如楚客哭秦庭  
從來忠告誰相信  
叫盡西風未必聽

橙

壓樹金橙百步香  
肉酸實苦不堪嘗  
論人必以心為主  
笑貌聲音恐色莊

蘭

空谷無人只自香  
澹然渾與世相忘  
春來多少閒蜂蝶  
總為山桃野杏忙

木香

玉蕾冰蕤壓架稠  
日長香徹小紅樓  
此時風味無人識  
花外一聲黃栗留

十月賣菊

過却重陽一月期  
園夫可是不知時  
賞音只有陶彭澤  
事往人非賣與誰

自況

閤是閤非不欲聞獨憐野鶴在雞羣  
西風何日高飛去  
萬里青天一片雲

汴梁郊行

大梁城下草連雲千古河山對夕曛  
一掬賈生憂國淚  
西風吹上信陵墳

暑中有感二首

竹床藤枕葛衣單滿扇清風汗不乾  
誰念耘苗田父苦



日斜枵腹望晨食

地皮如火水如湯  
麥罷田夫插晚秧  
十月北風農事隙  
借船輸入富家倉

贈相士周可山

人間久矣厭風波  
林下終為畏網羅  
行止未能區處得  
可山將謂可如何

夏日偶成

晝苦青蠅夜苦蚊  
乾坤無地著閒身  
市廛莫道山林好

豺虎從橫更駭人

感事

天桃回首笑寒梅  
却被梨花冷眼窺  
畢竟春光誰是主  
洛人不厭牡丹遲

題柯以善所藏瘦馬圖

龍眠老筆少陵吟  
詞意雍容怨愈深  
不棄敝帷埋駿骨  
主人應媿古人心

題李公略所藏高彥敬夜山圖卷

幽人清夜思高閒  
誤落龍眠筆硯間  
萬仞峰巒千里月  
廣寒宮裏看三山

題陳月觀所藏青紙梅花圖二首

曾向羅浮見此花  
一枝寫出舊烟霞  
小牕喚起師雄夢  
瘦影亭亭立碧紗

毫端妙理丹青外  
林下幽情紫翠間  
宴罷瑤池王母醉  
羣仙和月到孤山

秋夜

風露涓涓夜氣清  
數竿脩竹動秋聲  
破牕不禁西廊月  
來向幽人枕上明

楊招討送乳香胡椒荅以木瓜煎戲贈

薰陸番椒各有差  
海南方物到貧家  
自慚不及前人德  
投我瓊琚報木瓜

謾賦

長門一賦萬黃金  
寫盡深宮怨女心  
莫怪長卿知底蘊  
茂陵曾見白頭吟

臨安夏日

簫鼓聲中日正長  
繁華依舊屬錢唐  
晚來簾幙薰風細  
十里天街茉莉香

題高彥敬越山春曉圖

滿目烟嵐滿意春  
江山如畫畫如真  
巖巖萬壑千峰秀  
可惜中間無一人

春曉

枕上徘徊聽曉鴉  
東風吹雨濕牕紗  
園夫不管春光老

賣盡梅花賣杏花

西湖晚興

瀟灑梅花水外村  
歲寒誰與共黃昏  
東風未到西湖路  
雪滿孤山月一痕

酒醒即事

滿城桃李開青紅  
都在詩人醉夢中  
醒後不知春幾許  
賣花聲裏問東風

旅懷

綠陰滿地落紅稀  
遊子天涯久未歸  
獨倚闌干正惆悵  
誰家燕子雨中飛

倚樓

梨花散雪柳成陰  
中有嬌鶯弄好音  
說盡春來無限事  
東風吹入倚樓吟

晚晴

春蠶夏麥雨聲中  
水漲溪橋路不通  
風轉忽吹雲散盡  
樹梢一點夕陽紅

客舍

杜宇聲中柳絮飛  
黃昏燈火思依依  
自憐久被關山隔  
常捲朱簾待燕歸

荷花

綠陰庭院雨初收  
六月荷花爛漫秋  
一片錦雲香不斷  
薰風吹入夕陽樓

觀物

芭蕉才展笑丁香  
楊柳將眠妬海棠  
爭似梧桐飛一葉



便教酷暑作新涼

贈相士陳梅坡

梅花坡上一枝新  
忙殺前村踏雪人  
欲向逋仙問消息  
乾坤畢竟幾時春

艮齋詩集卷十

欽定四庫全書

良齋詩集卷十一

元 侯克中 撰

題劉同知憲明竹林歸隱圖

深躍高飛魚與鳶有餘不足變  
伶姪山林廊廟聽所遇  
窮達富貴無非天燕山劉君英  
且賢知幾識變能方圓  
從軍少日尚意氣馳馬試劍三  
十年一日取史讀是非  
剖判如目前晚年力窮經信如  
食蜜無中邊民生性皆

善為惡非本然或拘氣稟異或為外物遷苟能克盡已  
之慾天理亦復純而全聖人大道直如弦公能了了知  
其傳沉酣玩味亦已久得魚得兔忘蹄筌莊生齊物論  
老氏谷神篇靜中胸次清如水一讀徑造玄中玄黃塵  
歲月催華顛便欲歸去棲林泉太行之陽竹林外有水  
可釣陸可佃雲林四時風景妍更須畫手煩龍眠筆端  
造化寫元氣未信淇川輸輞川我生不辰私自憐擬鬻  
琴書買釣船愛水愛山平日常事此生此疾何時痊幾時

歸夢迷風烟美君去我如登仙  
臨風握手一杯酒與君共結蘇門緣

西園月下吟

西園寂寂花冥冥  
銀河影落寒無聲  
乾坤一雨開晚晴  
西風滿意新涼生  
此身不為塵網嬰  
恍如夢到芙蓉城  
花邊不見人吹笙  
但覺一天風露清  
吾有美酒同誰傾  
月華照破幽人情  
此樂自足娛生平  
豈以富貴為崢嶸  
今日布衣吾何輕  
明日錦衣吾何榮  
誰為白屋誰公卿

高門未必皆豪英老懷素不求功名悅親亦欲長安行  
出門道路多榛荆豺狼蹤迹何縱橫興來吸酒如長鯨  
醉中不覺新詩成雄雞一聲天下明

秋夜

森森秋氣寒摩空秋光山色空濛中西風滿地槐陰濃  
莫涼石井凋疎桐飄飄高興凌蒼穹月波冷浸姮娥宮  
草根啾唧鳴寒蛩雲間斷續聞秋鴻自傷踪跡何飄蓬  
紅塵鞍馬長西東世間奔走多兒童羣烏誰與分雌雄

山頭有苗高且崇下蔭澗底百尺松良才偶處荆棘叢  
歲寒豈與蒿萊同我知富貴昏王公誰云草澤無英雄  
不堪衰朽臨青銅學書學劍今何功安得猛士持神鋒  
奮然跨海誅長虹擬傾銀漢澆塵胸瓦鉢不貴黃金鍾  
無何鄉裏誰相從高情賴有無名公天根月窟人中龍  
肯來為我開朦朧相逢拚却衰顏紅黃花羅落生春風  
和薄薄酒

薄薄酒可自娛麤麤布儘自如薄酒麤衣樂有餘狂興

飲乾畢卓甕醉魂猶繞黃公壚醒來許再飲醉倒不須  
扶汨羅江上獨醒客何似高陽一酒徒詩思逸酒腸寬  
可嗟人世多悲歡莫種子孫禍空令肝膽酸不聽是非  
徒勞洗耳不招塵土何必彈冠閤身準擬菟裘老不受  
人間富貴瞞問蒼天何匆匆造物戲我如兒童浮雲富  
貴猶敝屣但求夢裏無相逢衣雖麤一重不煖添一重  
酒雖薄一鍾不醉復一鍾莫言薄酒難成醉但願清尊  
常不空金烏催玉兔春燕隨秋鴻儘他短髮星星白放



我衰顏日日紅我嗟人寵辱人笑我疎慵棄財如土羨  
龐公積金買禍悲石崇榮辱事古今同老鶴固當巢雲  
松丹鳳只合棲梧桐萬事不須多計較醉鄉深處無西  
東黃塵十丈埋英雄空聞漢殿并秦宮斷碑仆碣衰草  
沒壞階頽址愁烟蒙感慨落誰詩筆底興亡付我酒杯  
中一聲長嘯潛蛟龍九霄豪氣盤長虹浩歌歸去誰相  
從止有碧山明月野塘風

燕山行

燕山八月秋風高蕭蕭颯颯吹麻袍風雲入夢喚不去  
自知伎倆如鉛刀人生若春草世事皆秋毫倏忽秋  
變寒暑欲粘日月奈何不解煎神膠賢愚貴賤共一世  
老死不識誰英豪魚龍混人海蘭蕙雜蓬蒿江山浩蕩  
不知幾千里一身奔走何助勞我欲住西山西山當路  
猛虎長咆哮我欲隱東海東海蛟螭日夜翻風濤隱水  
住山俱不可何如養拙作鳩巢栽籬以翠竹結屋以白  
茅閒花野菜滿前後矮槐高柳羅周遭麤衣糲食有餘

樂客至竈冷無烹炮興來花底鋪醕糟醒來牕下讀雜  
騷憑誰說與三閭老莫謂劉伶非爾曹從茲可結忘年  
交

秋宵步月

澄澄金氣浮天河月華桂影高婆娑嚴霜到水凋池荷  
西風落葉虛庭柯百年無奈四時速一事不成雙髻皤  
長繩不繫西飛日浮世空隨東逝波英雄盡向黃塵老  
古今不覺青山磨張良重死輕相印范蠡全身老漁蓑

李斯讒喙遭顯戮楚客獨醒投汨羅千古是非無處問  
丈夫畢竟當如何我有藜杖芒鞋敝縕袍王孫繡鞍驕  
馬鳴玉珂我獨彈鋏悲來歌王孫歸去醉顏酡我非孤  
癖絕交游蒼松元不招陽和衡門盡日無人過舉杯月  
裏邀姮娥未必姮娥不世情畫樓高處清光多

艮齋詩集卷十一

欽定四庫全書

艮齋詩集卷十二

元 侯克中 撰

書懷

多病形骸混世塵一時元老樂相親  
論交敢結忘年友  
揣分甘為入幕賓  
蝴蝶可憐三月莫  
牡丹能得幾時春  
如今去住誰拘管  
好箇江湖自在身

興來

愁裏那堪聽子規興來還覺牡丹期關心錦樹香仍好  
到手金壘醉莫辭捲地狂風花落後透簾殘月酒醒時  
堂堂春去誰能挽裊斷垂楊碧玉絲

濁渭

濁渭清涇未易論從他燕蝠自朝昏商君必欲更秦法  
宋玉徒勞弔楚魂萬斛精梁羣鼠厭一鈎香餌六鰲吞  
老來不解興亡事睡足斜陽柳外村

莫春感懷

香冷金荷畫燭殘人生常恨四并難消磨永夜須醺醪  
主張餘春有牡丹故國松楸千里夢破曉風雨五更寒  
天涯多少傷心事倚遍西樓十二闌

遠遊

好山招隱合歸休底事天涯賦遠游塵世幾人能百歲  
客懷一日抵三秋風號老樹寒蟬切霜迫虛堂社燕愁  
願我自無湖海氣也能高枕卧曾樓

城樓感事二首

霜落錢塘木葉疎樹猶如此況頭顱  
乘桴政欲浮滄海  
藹垣那堪索長塗周顒保全王太傅  
叔牙知殺管夷吾  
滿衣塵土無人問慷慨臨風酒一壺

社燕秋鴻幾往還病軀依舊住人間  
不填溝壑何多幸  
疆涉風波亦厚顏霜後謾誇黃菊好  
沙頭未見白鷗閒  
錢唐六載誰知己城外西湖樓外山

久客

久客情懷觸處傷樂天老去不能忘  
風敲砌竹秋無際



月轉庭槐夜未央幾縷腥涎蝸篆細一棧鄉信鴈聲長  
異鄉何幸多知己蘭秀蓀馨菊又芳

和王國用宣慰述懷韵

泛泛扁舟一葉輕五湖佳處弄新晴醉中杯杓秋雲滑  
夢裏池塘春草生昨日方榮今日悴前車纔覆後車行  
詩書自有無窮樂肯為人間寵辱驚

湖海

湖海元龍氣自豪古今公論豈能逃光風霽月時難得

金匱要略卷十二  
白雪陽春調更高元亮未嘗聞杜宇伯倫終不信離騷  
是非利害都休問醉聽真珠滴小槽

秋夜獨坐

蕭然風露入秋堂頓覺虛牕枕簟涼烟盡片時金鴨冷  
月明終夜木犀香百年事業一壺酒萬卷詩書兩鬢霜  
用舍窮通均有命莫因得鹿笑亡羊

感事

劉伶常醉屈原醒酒頌離騷似反經小器易盈如斗盎

大聲難掩過雷霆  
山銜落日千林暝  
水接長天一樣青  
客至莫談當世事  
有書高誦老夫聽

秋晚

少年湖海不知愁  
景入桑榆事事休  
富貴未嘗希晉楚  
功名定不到巢由  
西風籬落黃花晚  
明月關河白鴈秋  
千載有誰如范蠡  
五湖容我泛扁舟

秋夜懷友

秋老東籬菊已殘  
故人猶未報平安  
飲餘浮螳愁仍在

過盡飛鴻信轉難一寸青燈然永夜半牕零雨送初寒  
匣中長鈇塵生久肯為無魚取次彈

漏盡

漏盡譙門鼓不撾冷霜殘月射牕紗  
替替鴻鴈長為客小小蝸牛尚有家  
千載廢興消竹葉百年勲業愧菱花  
江湖牢落成何事贏得星星兩鬢華

清明後雨中有感

盡日尋春興未闌落花庭戶雨珊珊  
香銷寶篆黃金冷

風撼筠梢碧玉寒，杜宇精魂愁夜永。  
牡丹顏色惜春殘，垂楊似苦東君去。  
青眼盈盈淚不乾。

觀物

物態人情儘擾攘，靜中容我細稱量。  
豺狼至惡猶知母，蜂螳雖微亦有王。  
桑吐綠雲蠶紙盡，花飛紅雨燕泥香。  
都將造化無窮趣，收入奚奴古錦囊。

有感

滿地蒼苔襯落英，羅衣猶怯曉寒輕。  
柳花白候風無定。

梅子黃時雨不晴萬事總違前日願一杯聊盡故人情  
陶然未接無何境卧聽江潮打岸聲

浩歎

幽谷芝蘭雜草萊鹽車騏驥等鶩駘汎觀離亂屠沽輩  
總是承平將相才楊柳儘教風外舞牡丹可惜雨中開  
春歸芳草連天遠日暮佳人望不來

野興

野人僻性自疎慵歸興年來似酒濃秋露曾沾山躑躅

春風不管木芙蓉  
獄中劍氣招雷煥  
燮下琴聲感蔡邕  
老去不愁林下友  
六經諸子舊相從

秋懷四首

客路黃塵染敝衣  
此心元與世相違  
每臨青鏡慚衰朽  
枉著黃金買是非  
爛漫雲山歸鳥盡  
蕭條霜樹故人稀  
西風不管天涯恨  
社燕秋鴻各自飛

窮愁有脚日相隨  
心與時乖百不宜  
醉裏見山如故友  
病中得句勝良醫  
巢無玄鳥社方過  
菊有黃花秋未知

千載淵明歸去後西風容我醉東籬

萍蹤梗跡寄天涯幾見江南換物華短髮飄蕭嗟歲月  
敝裘辛苦厭風沙錦城老栢千尋木玉井秋蓮十丈花  
材大古來無用處牡丹香徹五侯家

結得生平故紙緣五車不博一囊錢愁便綠蜩澆秋興  
病苦青蠅攪晝眠十載未諳南海俗幾時歸種北山田  
蒼生莫望深源起咄咄書空更可憐

秋夜



滿院蒼苔雨後深  
晚風如帚掃頑陰  
且傾濁酒澆岑寂  
莫把閒書較古今  
玩世我知陶令趣  
傷時誰識賈生心  
短檠殘燭虛牕月  
辛苦寒蛩徹夜吟

感事

彊哭雖悲自不衰  
真親未笑意先諧  
知幾那得人如鳥  
報本猶聞獸有豺  
千載湖山留畫舫  
九州塵土厭芒鞋  
好花似與東風約  
時送幽香到竹齋

錢唐春日

錢唐春日憶梁園地限江河氣自偏  
水外借樓聊度日  
天涯回首又經年  
梅專南土生成早  
柳得東風造化先  
百歲人生今過半  
更看桃李幾爭妍

春曉

料峭東風送曉寒  
梅花消息已闌珊  
雨催新燕尋巢急  
雪阻歸鴻出塞難  
小草乘時生曲徑  
好山終日對危闌  
桃夭杏艷從渠鬧  
留著芳尊待牡丹

懶散

懶散形骸百不宜此身長恨住山遲一庭花氣迷蝴蝶  
滿地月明聞子規少日有緣償酒債莫年無用坐書癡  
跼脩淵天緣何事問著天公未必知

清明感事

富家過節猶寒食旅舍平時亦禁烟暖老無功嗟柳絮  
買春不住笑榆錢鏡中白髮非前日樓外青山似舊年  
佳客盡情招不得滿牕花影枕書眠

春莫

天桃繁杏擁樓臺  
淡抹濃粧次第開  
照眼彩雲凝綠樹  
轉頭紅雨點蒼苔  
鳥知薄莫投林去  
燕怯輕寒過社來  
百歲人生能幾日  
一年春事又塵埃

倚樓

倚樓初不為行藏  
一點青山是故鄉  
愧爾菱花明似月  
照人蓬鬢白於霜  
百年人物空春夢  
千古關河又夕陽  
莫道水深魚極樂  
不如魚水兩相忘

歲晚

楚水吳山萬里賒天涯歲晚動長嗟  
仲舒下筆成三策惠子藏書漫五車  
嘉穀每傷秋雨盛好山常惜暮雲遮  
世無博物張華出竟把鉛刀作莫邪

秋曉

銀箭無聲玉漏乾布衾如鐵紙牕寒  
富商不畏瞿塘險逐客空嗟蜀道難  
樓外青山招我隱天涯綠綺向誰彈  
髯霜鬢雪人生了勲業何須鏡裏看

重陽雨中感懷

天涯九日厭飄零  
況復淋淫愴客情  
萬里悲風催晚景  
兩簷寒溜瀉秋聲  
驅除磊塊非無術  
準擬登臨又不晴  
莫謂君臣難際會  
菊花千載一淵明

春日途中二首

父母駸駸兩鬢華  
倚閭終日望天涯  
太平簫鼓村村酒  
寒食亭臺處處花  
萬里歸來嗟塞鴈  
幾行飛去羨林鴉  
窮途多少思親淚  
莫遣東風吹到家

滾滾黃塵滿敝衣  
旅人春晚思依依  
天涯岐路亡羊去

枕上關山化蝶歸  
桃葉遠勝茶葉苦  
梨花不待柳花飛  
思親自謂還家好  
猶恐山妻不下機

南塘夜飲

雨後風來枕簟涼  
厭厭良夜對南塘  
一輪璧月桂花冷  
十里鏡湖雲錦香  
釣水采山盤谷樂  
幕天席地竹林狂  
滿斟濁酒閒吟嘯  
不放常人入醉鄉

宿重陽觀

蓬鬢刀騷一草冠  
竹齋蕭灑兩蒲團  
人間歲月空催我

壺裏烟霞不屬官塵土定知今後少乾坤還比向來寬  
杖藜徐步斜陽外笑看蜚蜚袞囊丸

青草湖阻風

溪風洞俗不堪論楚些吳儂儘厭聞千里烟嵐青溼黛  
兩岐霜竹翠連雲故人自有金蘭約羈旅誰將玉石分  
猿鶴不須多悵快歸來擬和北山文

鰲山早發

長夜漫漫不肯明戍樓更盡曉雞鳴櫓中有玉人心重



囊裏無金馬背輕滿甕綠醅隨分酌數莖白髮借愁生  
自慚不是天涯物莫向征夫說姓名

汴梁元日懷親時弟良卿為刑曹掾因寄之

君在燕都我汴梁寥寥闕塞兩相望脊令有恨來南土  
諼草無功樹北堂白日簿書官事冗紅塵道路客心忙  
雙親老大情何苦誰為新正壽一觴

良齋詩集卷十二

欽定四庫全書

艮齋詩集卷十三

元 侯克中 撰

別金臺諸友

蟋蟀悲吟動客愁  
書來催我復南州  
不才每荷親朋愛  
多病難堪父母憂  
冉冉碧雲燕塞晚  
嗷嗷白鴈楚天秋  
霜風不卷殘荷盡  
留與行人泛柏舟

汴梁即事

暮史朝經豈有程陽春白雪古難能好山自許幽人住  
明鏡何妨醜婦憎大野縱騰千里火小齋嚴禁一龕燈  
清涇濁渭誰分別浩浩黃流問不磨

牢落

牢落天涯鬢已絲亡羊岐路定何之平生泉石空成癖  
滿腹詩書不療飢塵世虛名千古重草堂真樂幾人知  
鷗鵬九萬扶搖遠應笑鶴鶴老一枝

秋旱

塵滿麻袍雪滿髯  
風吹病骨怯秋嚴  
穀苗不雨飢將至  
梨葉經霜色重添  
牛喘一時懷丙吉  
菊荒三徑憶陶潛  
日高衙散蜂兒鬧  
採遍寒花意未厭

秋霽

雨沐秋容絕點埃  
一杯誰與共荒臺  
仰看白鴈銜書過  
坐待青蚨致酒來  
高柳四圍雲幙展  
好山千里畫屏開  
衡門盡日無人到  
黃雀從容啄綠苔

客中有感

北州才子又南州風裏孤蓬不自由楊子江頭秋渡馬  
洞庭湖上夜行舟松楸未卜容癡坐藜藿雖貧敢妄求  
可是謀生太迂闊一身長使衆人憂

西郊散步

杖策行吟不憚勞西園佳趣勝東郊人貧反比蝸無舍  
鳩拙猶知鵲有巢酒後逢花從去住枕中得句自推敲  
幾時獨對庭邊竹細聽春風碧玉梢

秋樓遣興

久客天涯興自闌，可堪蹤跡寄臨安。  
一天海氣侵肌冷，八月江潮破膽寒。  
僻地幾時曾啓戶，小樓終日厭憑闌。  
巨魚已落任公手，誰為纖鱗下釣竿。

久客

十年蹤跡逐浮萍，四海交游隕曙星。  
白壁自為希世寶，黃庭誰作換鵞經。  
鏡中鬢影莖莖白，樓外山光處處青。  
久客天涯歸未得，杜鵑哀怨不堪聽。

晚春

正喜羣芳壓樹稠，忽驚紅紫一時休。  
老來詩筆如神助，春去花枝似鬼偷。  
千尺游絲縈暮景，一卮芳酒浣離憂。  
杜鵑聲裏東風惡，滿地楊花點點愁。

自警

秦霸虜亡百里奚，可能只博五羊皮。  
楚人抱玉悲三獻，漢守辭金畏四知。  
病後等閒為酒困，老來依舊坐書癡。  
米如珠玉薪如桂，猶欲兒孫食肉糜。

戲題



歲月空催白髮新詩書只博老來貧一杯竹葉茅亭晚  
三弄梅花紙帳春病怯朔風穿戶急愁聞飛雪打窓頻  
萍蘆豆粥晨飧了笑殺風流石季倫

公子行

畫戟朱門樂事多春風池館水明波兒嬉輕碎玉如意  
客散不收金叵羅盡日優伶餘酒肉通宵鄰里厭笙歌  
憑誰細問青雲客奈此人間凍餒何

感舊

穠李夭桃次第新牡丹留得殿餘春石崇禍起珊瑚樹  
馬援疑生薏苡仁今見橐駝來海角昔聞杜宇叫天津  
相逢不拚西湖醉白首能存幾故人

和柯以善閒居感事詩韻

月入星河北斗寒聖賢際會古來難萬鍾不受齊宣祿  
五斗何勞靖節官麟鳳自應逃禁網貂蟬未必到儒冠  
一尊細讀離騷罷慷慨令人憶幼安

夜坐

憔悴梁鴻久債春漢家何事不相容壯懷老去如灰冷  
歸興年來似酒濃千載風雲從鄧禹一時湖海自元龍  
湯湯長夜無人語挑盡寒燈聽曉鐘

感時

百年日日是芳辰草木乘時次第新燕子不知江上晚  
牡丹先占洛中春南荒莫道多蛇虺中國都能幾鳳麟  
流水桃花千載後更誰曾見武陵人

自笑

論史談經夜不眠歸期未遂買山錢紅塵有恨江湖異  
白髮無情歲月遷曉夢池塘春草地凍吟風雪早梅天

青蠅鑽紙成何事一笑蘇杭十二年

老懷

白髮書生老更慵北窓高枕自從容不憂米勝珍珠貴  
且喜杯深琥珀濃柳絮飛殘方芍藥菊花開盡又芙蓉

爭如空谷風烟好千仞懸崖百丈松

自適

布衾如鐵簟如冰多病筋骸老不勝故國關河秋過鴈  
破窓風雨夜挑燈託身人海知今是掉臂王門記昔曾  
斥鷃藩籬聊自適扶搖九萬任鷗鵬

羈懷

歲晚羈懷萃百憂飄蕭蓬鬢督花羞琴書有分追陪老  
風雨無情斷送秋賓鴈夜投江外浦旅人寒倚水西樓  
關心多少天涯恨醉入無何事事休

中秋晚霽

秋空黯黯障陰霾老子南樓事不諧  
霜氣隨風清海宇月明如水浸天街  
儘傾旨酒酬佳興莫把新詩惱壯懷  
試向姮娥問消息幾時歸棹過江淮

秋思

塵滿虛齋草滿庭研如廢治筆如僧  
詩魂夜繞金莖露酒病時呼玉井冰  
簾幙蕭條悲社燕杯盤狼藉厭秋蠅  
陶然醉倒無人喚睡起東窓日已昇

錢唐即事

白髮蕭蕭滿鏡中客懷寥寞燕巢空鴈投絕域書難託  
虎迫嚴城路不通二尺短檠挑夜雨一聲長笛怨秋風  
西湖流盡繁華夢忍聽江潮打廢宮

閨居懷友

僻巷柴門夜不關一簪華髮照衰顏鑿開蒼蘚通流水  
捲盡珠簾得好山三逕儘容歸去樂萬金難買老來閒  
故人別後知何處應在神嵩泰華間

漫賦

澤畔青蕪沒紫蘭鏡中白髮代朱顏六龍矯矯當天運  
九虎眈眈守帝關江月自圓仍自缺野雲飛去又飛還  
爭如醉跨黃牛背一笛天風滿意山

過友生新居

靜看飛雲自往還了如名利不相關庭中綠樹窓前竹  
門外滄波屋上山林鳥不驚行客少沙鷗常羨主人閒  
西湖風月無邊景都在詩翁杖屨間

夜坐



花滿銅瓶酒滿尊  
旅懷寥寞過黃昏  
一樓明月開天宇  
半夜驚潮出海門  
蝴蝶自疑莊叟夢  
杜鵑誰信蜀王魂  
人間多少傷心事  
殘燭無聲瀉淚痕

惜春二首

青帝行權萬物春  
芳草木秀一番新  
人人儘欲趁時貴  
燕燕何曾厭主貧  
小筍會看凌月露  
好花可惜委風塵  
韶華豈欲輕歸去  
杜宇聲中字字真

睡起春寒酒力微  
杖藜徐步款柴扉  
好風有意頻吹面

細雨無聲暗溼衣興似日長詩筆健歡隨春盡酒帘稀  
東君與我同為客何事年年獨自歸

感春

岸花汀草不知名野杏山桃結未成春去湖山應有恨  
夜來風雨太無情酒家慣聽提壺語田舍初聞布穀聲  
欲向東君問消息夕陽無語下西城

晚春述事

滿面塵埃兩鬢霜不堪萍梗寄錢唐雷霆勢迫春潮怒

風雨聲連晝漏長  
旅舍經年人事少  
市河終日客舟忙  
書窓未省韶華老  
俄聽樓前賣海棠

用前韵

旅食江南十二霜  
市樓寥莫對橫塘  
賣花聲少韶華暮  
垂柳陰多化日長  
燕子營巢徒自苦  
蜂兒釀蜜為誰忙  
東風吹遍無名草  
那惜餘春到野棠

僻性

僻性常思拜杏壇  
病軀不識夢長安  
獨清有髻嗟霜白

尺素無材寫寸丹長塞霜風秋爛熳短檠燈火夜闌珊  
時人只說梅花好誰為蒼松話歲寒

自適

睡起移牀趁綠陰異鄉風物動長吟松筠老負凌雲搆  
葵藿生含向日心千里好山招我隱一巵芳酒約誰斟  
妻孥莫厭家貧甚滿腹詩書抵萬金

感春

過隙光陰逐水流惱人風物更堪愁冥濛小雨寒無賴

狼藉落花春不收，莫用新詩追暮景。  
且斟濁酒浣離憂，恍然三月清明過。  
一片繁華夢裏休。

登臨

長日虛齋厭苦吟，偶扶藜杖獨登臨。  
無窮宇宙千年事，有限形骸一寸心。  
水外輕鷗青漲遠，雲間幽鳥翠微深。  
旅人不似歸鴉好，夜夜相呼返故林。

山居

竹滿空庭草滿階，山居殊不費安排。  
紅薑紫蟹撩清興，

白 酒黃雞愜素懷  
華嶽豈能留若水  
錦城只合着乖崖  
野夫僻性無他好  
飽誦義經老艮齋

即事

短髮刁蕭滿鏡絲  
河梁攜手暮何之  
共誇鮑叔分財日  
獨念延陵掛劍時  
金馬未投鸚鵡賦  
玉人休唱鷓鴣詞  
曉來欲問東君信  
春到梅花第幾枝

立春後書懷

昨夜東風底處過  
柳條依舊得春多  
百年湖海閒中老

萬里乾坤醉後歌雲盡好山青似淙雨餘新水淨無波  
從知無忌凌烟閣不及堯夫安樂窩

登樓有感

造物冥冥若有知夔蛇隨分動天機百年傳舍隨流水  
幾度憑欄送落暉秋色暗從孤鳥沒晚霞偶趁斷鴻飛  
古今得失原如此莫與莊生較是非

懷古

莫謂龍韜勝犬韜恐因一割廢鉛刀渡河有筆書三承

跨海無人斬六鼇齊士但能知管晏沛公不過用蕭曹  
自從老却元龍後誰卧曾樓百尺高

錢唐客懷

亡羊岐路足風沙白首飄零未到家子美有詩哀杜宇  
樂天無淚聽琵琶江紅方綠閩中果魏紫姚黃洛汭花  
一片錢唐佳麗地不應自我作天涯

自釋二首

天涯歲月厭飄零畫虎屠龍兩不成梅雨關心吟思苦



竹風吹面醉魂清誰家楊柳黃鸝囀何日梧桐彩鳳鳴  
羌管一聲樓外起旅人懷抱若為平

鑽紙癡蠅每自慙綠蓑定不換青衫頭雖似雪身猶健  
心未成灰口已緘五柳永懷陶令趣二桃輕信晏嬰讒  
長竿擯鼻譏當世千載令人愛阿咸

艮齋詩集卷十三

欽定四庫全書

良齋詩集卷十四

元 侯克中 撰

掩局

盡日無人畫掩局  
靜中窺見古人情  
誰憐元亮生衰世  
我喜堯夫老太平  
儘向詩書窮至理  
肯隨蠻觸較虛名  
壽陵未得邯鄲術  
匍匐歸來失故行

歸興

暮史朝經似蜜甜春蠶夏麥樂無厭一之為甚其能再  
二者何由可得兼鴈附好音來遠塞鵲銜新喜下重簷  
定知歸計明年了莫向著龜問象占

謾賦

造物權衡果在誰區區生我欲何為飄零蹤迹渾無定  
懶散形骸百不宜絕世孤高吾豈敢隨時俯仰自相欺  
丹心一寸恒多苦說與妻孥未必知

病後

門外黃塵十丈深  
鏡中白髮不勝簪  
皇天生我本無意  
造物戲人如有心  
日月晦明朝又暮  
聖賢憂患古猶今  
年來事事消磨盡  
只有琴書是賞音

清貧

清貧濁富迴難同  
食蓼蟲慚食蜜蜂  
米似明珠薪似桂  
車如流水馬如龍  
榮公有道稱三樂  
孟氏知幾鄙萬鍾  
歸計未能吾老矣  
幾時高卧白雲峰

春前一日

歲月催人不易禁一陽來復又成臨旋篋綠酒浮新蠟  
細擘黃橙破軟金臘雪逡巡呈美瑞春風咫尺入長吟  
東君已得梅花信莫向泥牛問好音

夏日即事

窗外青蠅止棘榛枕中白蟻鬧槐根我知道可忘人勢  
誰謂吾能大子門秋露滴殘齊女怨春風吹斷蜀王魂  
野夫心地渾無事千首新詩酒一尊

感時

憔悴青衫陌上塵飄蕭白髮鏡中新  
石崇未保終身富  
原憲何妨徹骨貧  
夜永鷓鴣惟恐晝  
歲寒松柏不知春  
施施東郭墻間客  
醉飽歸來笑罵人

僧舍即席賡冠都運詩韻

拍天洋海泛枯槎  
捲地狂風掃落花  
林外好山藏古寺  
世間光景屬豪家  
乾坤浩蕩時難得  
歲月蹉跎鬢易華  
日月穿墉又穿屋  
不知誰謂鼠無牙

過仙林寺感事

鸚鵡能言不出籠  
弋人無意慕冥鴻  
六經已自分邪正  
三語何須較異同  
必若羈身加俎上  
何如龜尾曳塗中  
一枝蒼竹一壺酒  
乘月空山訪醉翁

即事

瑟奏遊魚聽  
瓠巴妖狐未易誑  
張華獨憐冀壤埋  
芝草誰把瓊琚報  
木瓜蟻子片時成  
數陣蜂兒一日鬧  
三衙秋江莫道芙蓉老  
自有寒梅次第花

辭墳



父母劬勞生此身昊天罔極報深恩既無聞望光宗祖  
又闕詩書教子孫寒骨移時成祔葬病軀甘分老衡門  
一杯清酌千行淚落日荒烟野樹昏

兀坐

懶散形骸與世疎孑然兀坐一何孤與為莊叟樊中雉  
寧作周公屋上烏花映尊壘傾北海雨侵蓑笠釣西湖  
良田數頃書千冊只此傳家是永圖

立春自況

以良名齋了此身年年送丑復迎寅時行時止雖由命  
成始成終恐在人花柳儘呈新態度松筠不改舊精神  
曉來便覺東風好天地氤氲萬物春

十年

十年蹤跡寄江湖滿篋黃金取次無病後不堪衰鬢短  
貧來何止故人疎誰言養女當如鼠自笑生男不及烏  
阿濬頗能知我意夜窓猶不廢詩書

阿濬生朝

三人行處有餘師善者從之惡改之為矢為函分路處  
學詩學禮過庭時蒼松澗底徒千尺丹桂雲中看一枝  
尺璧兼金無足貴人生當作克家兒

潭州病後登天慶觀閣

性野猖狂自不羣強隨行客犯紅塵登樓有賦哀王粲  
投閣無由問子雲睡少那堪茶作祟愁來唯覺酒能神  
到家了却松楸計何處山田不可耘

悼女

代母齊家惠愛深天涯永訣淚盈襟半窓春雨三更夢  
一寸寒燈萬里心塵世情緣渠易舍蓬萊仙闕我難尋  
江流有限哀無極多病形骸老不禁

杭州火後連雨二首

火熾無情欲燎原雨淫不已定傷田祈禱自足禳回祿  
鍊石誰能補漏天遊子但憂焚旅次飢民未敢卜豐年  
野夫嗟怨成何事自有人司造化權

正念誰能逐畢方又從何處問商羊坎離自昔曾無叙

禹益于今更有光市井等閒成瓦礫田疇瞬息決隄防  
古今氣運元如此水及神堯旱及湯

自責

多病筋骸老更慵柳花又復逐萍踪康強呂望猶能釣  
憔悴梁鴻不任春出否我知顛趾利養身誰信朶頤凶  
徒言納納乾坤大一箇微軀無地容

哭弟

難弟難兄慣忍貧豈期中道不為鄰勉求糲食供諸子

強著歡顏慰老親十載簿書成底事一家奉養屬何人  
西窓燈火如年夜杜宇聲中哭莫春

義分

好山如黛水如藍白首飄零亦自慙美玉可沽何敢吝  
兼金無處若為貪故人已死仍留劍知己求伸遽解驂  
若水一生二字了麻衣眼孔勝圖南

丁祭

凜然遺像見丹青仿佛當年鯉過庭狂士尚能歌鳳德

亂臣敢不懼麟經綱常炳炳垂千古香火區區拜二丁  
黍稷棗脩猶未具忍言明德有餘馨

和龔翠巖懷古韻

禹範箕疇出洛龜發揮已往鑒將來楊朱路錯徒能哭  
夫子墻高豈易窺劫火不燒三聖易國風難和二南詩  
太阿斬馬如芟草未信張華肯倒持

懷古六首

磨不能磷涅不緇心如灰冷鬢如絲申商徒取千年誚

夷惠真成百世師書契未興先有易春秋方作已無詩  
斯文一脉誰能繼澤畔靈均賦楚詞

聖賢垂訓貴知幾末世縱橫好用奇即墨三年憐樂毅  
商於六里笑張儀善無良報終為美惡有餘殃預可期  
禍福感通如影響巧言令色欲誰欺

腹隱嘉謀智若愚匱藏美玉有如無漢家廢立諮元士  
唐室安危繫老奴出弔不妨辭以疾矚亡豈料遇諸塗  
頭顱如許將焉用誰為騷人乞鑑湖



冷暖人情自古今  
白衣蒼狗幾浮沉  
夕陽亭小謀非淺  
偃月堂高禍更深  
流水有源終入海  
閒雲到底不成霖  
書生本是山中物  
何事人間彊苦心

昌黎表奏竄潮陽  
太白詩成逐夜郎  
家欲興隆生俊秀  
國將顛覆廢忠良  
靈龜有用留枯骨  
黠鼠無知飽太倉  
若使屈平知此理  
離騷定不怨懷襄

呂秦焚典復坑儒  
海內惟存煨燼餘  
蕭相僅能收版籍  
漢皇初不重詩書  
隨時損益名雖異  
終古綱常道不虛

金匱要略卷十四  
萬世鮑魚遺臭在至今人唾祖龍車

追和劉夢吉韻八首

訪西山道院

芙蓉城闕五雲深  
亂石飛泉漱玉音  
濁酒每因清興酌  
新詩多為故人吟  
青鸞已報三山信  
白鴈空傳萬里心  
殘日未傾歸去好  
病軀常苦暮寒侵

樂道

樂道安貧是本情  
好官況不到儒生  
鶴憂斷脰鳧憂續

木貴非材鴈貴鳴白壁一雙憐項羽黃金四萬笑陳平  
賞音只許陶彭澤誰信無絃是有聲

老病

槐螳紛爭睡正酣轉頭衰朽嘆吳蠶縱橫籌策非無用  
老病筋骸自不堪珠桂蕭條留浙右金蘭凋喪憶湖南  
閒雲本是無心出又逐歸鴉入暮嵐

晚興

林外孤岑倚暮烟江頭羈旅問歸船丹心有素人誰信

白首無成我自憐笑舉匏尊邀月飲醉和紙被裏雲眠  
幾時拂袖三峯上玉井閒看十丈蓮

即事

道何疎遠利何親學貴精詳行貴淳南國自添新白髮  
東華誰羨軟紅塵楚狂有底徒歌鳳伯樂無端不相人  
說與邯鄲貪睡客夢中花柳總非春

山居

怪石巉巖老樹蒼斷雲攜雨送新涼四山樛櫟供樵斧

萬頃烟霞護草堂  
鑿地種蓮收水利  
引泉澆藥破天荒  
人間謾說無梁棟  
澗底青松百丈長

甘間

聖學淵源未易能  
動憐高鳥靜憐僧  
一樓風月三杯酒  
萬卷詩書半夜燈  
脩己安人君有得  
存心養性我何曾  
客來每問紅塵事  
笑據胡牀竟不磨

歸思

猛虎眈眈卧九關  
此身只合老田間  
深憐徐福游滄海

頗恨希夷出華山素髮一簪黃卷樂青天萬古白雲閒  
桑榆未遂歸休計慚愧投林倦鳥還

中秋懷友

酒聖詩豪老不任九霄風露滌煩襟寒生庭戶秋方半  
春入尊壘夜已深萬里清光千古色一簪素髮百年心  
故園今夕知誰健擬向姮娥問好音

艮齋詩集卷十四